



**Uunga siunnersuut: Ilinniarnertuunngorniartarneq pillugu Inatsisartut inatsisaata allangortinnera pillugu Inatsisartut inatsisaat nr. xx, xx. xxx 2020-meersoq.**  
(Ilinniartitaanermut, Kultureqarnermut Ilageeqarnermullu Naalakkersuisoq)

### Siullermeenera

Ilinniarnertuunngorniartarneq pillugu inatsisartut inatsisaata allangortinneqarnera pillugu Inatsisartut inatsisaat suli normulerneqarnanilu ullulerneqanngitsoq 2020-meersoq Partii Naleqqamiit nalilersorluareerlutigu imatut oqaaseqarfigissavarput.

Partii Naleqqamit pingaartitarilluinnarparput ilinniarneq aammalu inunngornermiit inuuneq tamaat ilinniarnarfiunera, taamatullu ineriartornerup ilaattut ilinniartitaaneq.

Inuup inuunnerminiit erngerluni ilinniarnera aallartittarpoq, taannalu inuuneq naallugu ingersarluni. Inuunermilu ilikkagassat amerlanersaat soorsuuteqarnermi aporfeqarnermi arlaatigulluunniit akunnattoorfiusuni ilikkakkanik peqartarpoq, taamatullu inuunermi iluatiffitut inuunermi ajugaaffigisat angusaqarfiusut ulluinnarmi inuunermi annertuumik ilikkagaqarfiullutillu ilinniarnarfiusarput taakkulu inuunermi ilikkagassat annertuut atuarfimmi ilinniakkanik ilikkakkanik annertunerungaartumik ilikkagaqarfiginerusarlutik.

Taamaammat aamma oqartoqartoqartarpoq meeqqat atuarfianni ilikkarsimasat kisimik aallaaviusinnaanngitsut inuttut ineriartorneq inerisimassuseq ilanngullugu pingaaruteqartorujussuummat inuup ilinniaqqinnissaanut ingerlalluarnissamik aqutissiuunneranut.

Tassa ilisimaatuussutikkut ilisimalersimasat aammalu misilittakkat nunap inuisa atugaat qiviaraanni atuarfimmi angusarissaarneq aammalu ilinniaqqinnermi atukkat saniatigut qanoq iliuseqarnissaq inuup ineriartortuarnissaanut atugaasigut pingaaruteqarluinnartut ilagaat pitsaasumik inuiaqatigiinnut ilaalernissaanut.

Nunatsinni inuusuttut annaasartakkagut amerlavallaaqaat, immينوortarnerit amerlavallaaqaat, aanngajaarniutitut atornerluisunngortartut amerlavallaaqaat.



Qanoq iliuseqarnissamut pikkorinnerusariaqarpugut naammanngilaq atuarfinni ilinniarfinnilu sinaakkutit naleqqussarnissaat tamarmik ataqatigiittariaqarput.

Maannakkummi inuusuttut meeqqat atuarfianiit anisimasut ilinniakkaminnillu aallartitsisimanngitsut suliffissarsiunngitsullu 3.000 pallillugit inuiaqatigiinni aamma inissimalersinneqarsimasut ilanngullugit periarfissarsiortariaqarluinnartut ilagilersimavaat siunissami inuiaqatigiinnut akisoorujussuannngussanngippata.

Uagut taakku Partii allat oqarnerattuut eqiasunneraannarusunngilagut, akerlianilli piviusut aallaavigalugit qanoq iliuseqarnikkut aqutissiutissallugit politikikkut sinaakkutissat pitsaannerusut aallavigalugit aqutissiuuttariqarmata. Periarfissinneqarunik piumaapput pisinnaapput aqutissiuunneqartussanukua uparuartuinnaqinagit pinngitsaaliinnaqinagit.

Taamaammat Partii Naleqqamiit uagut upperaarput siusinaartumik pinaveersaartitsinerit aammalu siusinaartumik iliuseqarnerit siunissami ingerlaqqinnitsinni iliuitsit naleqquttut aqutissaasut amerlanerusunik pitsaasumik inuuneqalernissamut periarfissiisusssat.

Meeqqap naavaniinneraniit suliniutit aallartittariaqarput meeqqap ilinnialernissaannut ukiut siullit pingasut pingaaruteqartuuput taamatullu meeqqap ilikkarsinnaanera ilisimatuusutikkut uppernarsarneqarnikuuvoq pisartoq inuuneraniit ukiut siullit arfineq marluk.

Taamaattumik siusinaartumik qanoq iliuseqarnerit inuunerissaarnissamik meeqqap inuuneranut pingaaruteqaannanngillat inuunermi sinneranut annertuumik pingaaruteqartorujussuummata tamanna annertuumik nukinnik atuiffiusariaqarpoq ataatsimoorfigisariaqarparput.

Inuiaqatigiit anguniagaat ilinniarluarsimanissaq naammanngilaq angajoqqaat ilaqutaasullu annertoorujussuarmik sunniuteqartarput meeqqap inuuneranik ilikkagassarpasuit ilikkartinnissaanut ilinniaqqinnissamut aqutissiuuisussaasut, ilaqutariit inuunerissaarnissamik tunniussaasut pingaarnerpaajupput meeqqap atuarfimmi angusarissaarnissaanut kingusinnerusukkullu ilinnialernissaanut tassalu toqqissisimasumik ineriartorfiusumik peqqissumillu inuuneqarluni ilinniartinneqarnermikkut meeraq tuniorarneqarsimaguni inuunermi sinnera ilinniarsinnaangorlugu sakkussanik nammattagaqarnissaa qulakkeerneqar-



simassamat. Tassa ilaqtariit pingaaruteqarnerpaapput meeqqat ineriartornerannut ilinniaqqinnissaanut taamatullu inoqatiminut suleqataalluni akulerusimanissaanut sakkussa qarluarnissaanut.

Meeqqat atuarfiiniit qaffasinnerusumik ilinniaqqinnissamut pingaaruteqartorujussuaq taamatut oqaaseqarfigereerlutigu aqqissuussaannerusumik anguniagaqarluni ilinniarnertuunngornissamut piareersarfittut ilinniartitaasarneq maannakkut nutaamik naleqqussarniarneqartoq aallaavigalugu ilinniarnertuunngortarneq pillugu inatsisartut inatsisaata allangortinnissaa saqqummiunneqarpoq.

Partii Naleqqamiit pingaartitarilluinnaqqissaarparparput nunap inui allaavigalugit nunap inuinit naleqquttumik aammalu minnerunngitsumik nunarsuarmioqataanitsinnut unammillersinnaasumik naleqqussarsimasumik nunap inuisa ineritortinnissaat.

Uani ilinniarnertuunngorniartarnermut inatsisip allangortinnissaanut siunnersuummi nalilersuilluareerluta tamanna ilaatigut anguniarneqartoq takusinnaagatigu Partii Naleqqamiit siunnersuut naammagisimaarlugu tapersersoratigu oqaatigeriissavarput.

Siuliani oqaatigeriikkatituut siunissami ilinniarnertuunngortarfiit ilinniarnertuunngortartut inerisimasut piareersimasut pitsaasumik inissisimasut pissagutigit avaqqussinnaanngilarput siusinaartumik iliutit ilanngullugit qanoq iliuseqarfiginissaat, naammangilarmi ilinniarnertuunngorniartarfirmi inatsisit kisiisa naleqqussaraluaanni, periarfissalli ilagiinnarpaat nunap inuinit naleqqunnerunerusumik aqqissuusinerit kisimiitillugit naammangitsut pitsaasumik siunissami angusaqartalernissatsinnut.

Naalackersuisoqarfik Epinion suleqatigalugu ilinniarnertuunngorniartarfiit piffissami 2013-2017-imi nalilersuivigisimavaat, tasanilu ilinniartut, ilinniartitsisut, atuartitsinermi sammisani siunnersortit aqutsisullu peqataatinneqarsimapput.

Taamatut naleqqussaaqqinnermi suliaqarsimasut ilinniartitsisut, ilinniarnertuunngorniartarfirmi ilinniartut, ilinniartitsisut siunnersuisooqatigiivi, faginut siunnersortit, ilinniartarfirmi pisortat allallu suliami suliaqarsimasut Partii Naleqqamiit qutsavigerusuppagut suliamik annertuumik ingerlatsisimanerat pillugu. Taamatullu suliamut tunngassuteqartut tamarmik



nunatsinni qallunaat nunaanni ilinniartut allarpasuillu immersueqataalluarsimasut takusinnaagatsigit qujassuteqarfigerussuppagut.

Siunnersuutip imarisai ataatsimut qiviassagaanni ilinniarnertuunngorniarnep ukiuni pingasuni ingerlanneqartarnissaa Inatsisartut inatsisaanni toqqaannartumik aaliangersima-sumillu allaqqajunnaarnissaa siunnersuutigineqarpoq.

Ilinniarnep sivisussaa taamaasilluni misiliutigalugit ukiuni marlunni ilinniarnissaat neqereerutaalissaaq. Taamaaliornermi pingaarnertut inersimasunut sammitinneqartoq taamatullu ilinniagaq ukiuni marlunni ingerlatassaq ungasianiit ingerlatsinneqartussaq neqeroorutaalissalluni taamatullu ilinniareernerup kingorna naatsumik akunnattumilluunniit sivisussulimmik ingerlariaqqiffiusumik ilinniarfinnut ilinniaqqinniartunut periarfissiisuullunilu ammaasisuussaaq.

Taamatullu ilinniarnep ukiuni sisamani ingerlanneqartussaq neqeroorutaalissaaq, taan-nalu unammisartunut timersortartunut sammitinneqarluni.

Taamatuttaaq qinnuteqartarnerup pisariillisarnissaa siunertarineqarpoq, taamatullu nutaatut 10. Klassemi atuartitsissutini tamani E angusimanissaat piunasaqaataajunnaassaq atuarfiullu naanerani angusat pillugit tunngaviusumik karakterit atorineqartalissallutik.

Naleqqussaanerit arlaqarput pisariillisaanep amerlanerusullu ilinniartalernissaanik toqqammavilersorneqartut taamatullu taaguutit peritullu allanngortinneqarneratigit anguniarneqartut.

Taamatullu maluginiassat ilagaat Immikkut akuerineqarlutik amerlanerit tiguneqartarnissaat anguniarneqartoq akerlianilli naatsorsuutigineqarluni misilitseqqaarlutik tiguneqartartut ikilinissaat.

Taamatut immikkut akuersisarnerit rektorip akuerisalertussaavaat, tusarniaanermilu ilinniartitsisoqatigiit siunnersuisoqatigiivisa oqartussaaffiisa atorunnaarnissaat pillugu uparuaasoqarsimavoq, tamannalu Partii Naleqqamiit ataatsimiititaliami nalilersorluarne-qarnissaa kaammattuutigerussupparput.



partii naleraq

Allaffissornikkut periusaasut qinnuteqarnermi akuerineqartartut il.il allannguuteqarfiginissaat Inatsisissatut siunnersuummi eqqartorneqarput.

Ilinniarnertuunngorniarfinni ilinniartitsisut peqatigiiffiat Gymnasieskolernes lærerforening GL ilinniarnertuunngorniarneq pillugu Inatsisartut inatsisaata allanngortinneqarnissaa pillugu inatsisartut inatsissaattut siunnersuut pillugu peqataatinneqarnerminut qujassuteqarput aammalu tikkuagassatut nalilikkatik tikkuarsimallugit, tamakkulu Kultureqarnermut, Ilinniartitaanermut Ilisimatusarnermut ilageeqarnermullu ataatsimiititaliami nalilersorluarneqarlutik suliarineqarnissaat Partii Naleqqamiit kaammattuutigaarput.

Nunap inui aallaavigalugit aammalu nunatsinnut naleqquttumik ilinniartitaanikkut naleqqussaanerit nunarsuarmioqataanitsinnut unammillersinnaasumik inissisimaleriartuinnarnissaat Partii Naleqqamiit pingaartitarilluinnarpagut tammaammallu Ilinniarnertuunngorniarfiit ingerlaavartumik nalilersorneqartarsimammata pitsaasutut isigaarput. Taamaaliornikkullu ilinniakkanut tunngaviit nalimmassarlugit malitseqartitsisoqarmat nuannaarutigaarput taamaaliornikkullu amerlanerit ilinniarnertuunngorniarfinni pitsaanermik atuarsinnaalernissaat aqqutissiuunneqarluni.

Taamatut Partii Naleqqamiit oqaaseqarluta Kultureqarnermut, Ilinniartitaanermut Ilisimatusarnermut ilageeqarnermullu ataatsimiititaliami Inatsisartut inatsisissaattut siunnersuut suliarineqarnissaa Partii Naleqqamiit innersuussutigaarput.